

通俗教育叢書

時間經濟法

商務印書館發行

序

『時哉勿可失，』『時乎時乎不再來，』吾國愛時之格言如此類者，不勝僂舉矣；而吾國人乃特以不愛時著名於世界，應酬也、消遣也、耗時間於無用之地者，不知幾何人，其或朝夕力行，每日在八時以上，且無所謂休息日者，宜若可以糾浪費時間者之失；而核其效率，乃遠不及他國人八時以下之工作。何也？不知利用時間之方法故也。蕭君子昇著時間經濟法一書，於積極消極兩方面，均有適當之理論與實例；吾國人讀之，當無有不發深省者。余謹守書中『不當講

的話不講』之條件，而爲此『簡單』之介紹。

十一年四月十九日

蔡元培

臨刊弁言

時間經濟法者，余五年前舊作之一，書以自課者也。余嘗思善惜時者，必求其所以惜時之法，而增加時間之能率；偶有所感，書諸日記；既久，裒爲一卷，名曰時間經濟法。然未嘗舉以告人也。頃之，友人得之，將以付刊，乃刪去原稿三分之二，錄其較可存者，務爲簡單之言而已。抑經濟時間，力行之事也，行之愈力者，其法亦愈多；區區此篇，特爲實行者一揭此題云爾。

十一年四月十六日 著者識於北京

時間經濟法目錄

總論第一	一
何謂時間經濟	一
時間之性質	三
時間與空間	六
人類對於時間之觀念	八
時間與我	九
屬於積極方面之經濟法第二	十

一、強健身心	十
二、激發熱誠	十九
三、利用機會	二十三
四、注意準備	三十二
五、充足常識	四十一
六、尊重決斷	四十八
七、遵守秩序	五十三
八、練習敏捷	五十八

九、養成習慣·····	六十一
十、研究方法·····	六十五
屬於消極方面之經濟法第三·····	六十八
一、不當看的書不看·····	六十九
二、不當作的文不作·····	七十四
三、不當會的人不會·····	七十七
四、不當講的話不講·····	七十九
五、不當用的物不用·····	八十二

六、不當去的地不去……………八十三

羣衆時間經濟法第四……………八十六

時間經濟法

總論第一

何謂時間經濟

吾人所常聞關於時間之格言。如「時者金也。」大禹惜寸陰。吾輩當惜分陰。」其爲人也多暇日者則其過人也不遠矣。「光陰者供人建築之原料也。今日明日者則竹頭石片也。」時日者造人生命之原料也。」……凡此皆言愛惜。所以明時間之可貴也。時間經濟者。且求增加時間之效用。必一分時能作一分之用。十分之用。甚至

百分千分之用。以同量之時間。求生多量之效果。斯經濟也。譬如行路。步行一時得十里。騎行二三十里。汽機行數十百里。其時一也。而遠近大異。時間經濟。求人生長旅行皆以汽機行之。而經濟法者。則所以備各時期所需用之各種汽機也。

解釋時間經濟四字。最易誤會者有二。一曰躁急。躡等輕進。反至損失多量之時間。時間經濟所要者迅速。躁急實迅速之敵也。躁急爲盲目的奔跑。迅速則有一定之方向。並有多數之方法以取得其捷徑也。二曰草率。作事時所貴者精力集中。故搏獅用全力。搏兔亦用

全力。時間經濟以效言者也。草率雖或省時。而於事無益。言時間經濟者。以精力經濟爲第一義。幼稚與衰老不得云無時間。特精力不及少壯耳。疲倦與睡眠。不得謂非時間。特精力不及醒時耳。時間如光。精力如膏。觀此則時間經濟之義尤昭昭矣。

時間之性質

余思得時間之性質。最足令人奮然興起者有數。

一時間者、猛力前進、而永不後顧之物也。歲月不居。且歲月爲

計算時間之單位。非歲月卽爲時間。蓋歲月尙有暫時之循環。而時

間則誠猛進而永不後顧者也。日有晝夜。月有盈虛。年有寒暑。日日有此晝夜。月月有此盈虛。年年有此寒暑。然時間則今已非昨矣。故今人能見古時月。今人斷不能有古時一時也。（究之今月亦非古月故曰暫時之循環）吾人當猛力與之俱進。無進便是退。一切人事皆然。

二時間者由至短至少而積累之之物也。積秒而分。積分而時。

時而日。日而月。……以其非整然大塊。而可解分爲至微至細。故吾人亦至便於積累。如團多數之金沙可熔爲一片。豪傑之士所爭者。

恆在此最易潛逃之秒分也。

三時間者常傳進化之令命於人間之物也。

日新之謂盛德。十

九世紀之文明。非復十八世紀之文明。二十世紀之文明。又非十九世紀之文明。二代時勢一代人。今日不是昨日。生在今日。即不可勉強扮作古人。我國歷史五千年。開化早。進化遲。秦漢而還。虛擲三千年。無甚價值。故吾人惟力爲社會謀進化。即爲經濟時間之妙法。四時間者以現在二字爲生命之物也。過去永不復返。未來決不先到。責乎過去。今日爲明日之過去。望乎未來。今日爲昨日之未

來。君子急起直追。坐言起行。努力於現在之力。行而求安於現在。五時間者。不可交易之物也。時間非財也。故不能以金錢得之。亦不能儲蓄不用。以圖利息。惟待人毫無畛域。善用之者。卽多畀之。否則卡。匿。奇。摩。爾。根。輩。雖。以。其。萬。能。之。金。錢。可。橫。行。宇。內。獨。於。時。間。乃。絲。毫。失。其。作。用。富。豪。富。豪。爲。之。奈。何。

時間與空間

吾人所處之宇宙。先有時間乎。抑先有空間乎。時間與空間之關係。果如何。此一繁複之問題。姑置勿論。惟卽人類社會所現在之宇宙。

觀之。盈天地間。無論爲天然物。或人造物。有生命與無生命。皆須經若干時間而後始能生長。始能成立。綜人羣間各種文明。皆非完成於有限之時日。而得一時陳列於人類之目前。乃如機器之輪齒逐漸出現。層出不窮。故歲月者進化之生母。文明者時間之產物也。近自各種科學發明。有汽車。汽船。電報。飛機……致使往昔十日百日之程。今欲達之。數小時耳。是今日數小時。值往昔十日百日矣。時代愈演進。人類愈文明。人類愈文明。時間愈貴重。吾輩今日所有之時間。較之古人愈宜經濟。

人類對於時間之觀念

腦筋簡單者無時間之觀念。下等動物之行動。不知反省過去。不能預計未來。野蠻人之頭腦較動。下等動物稍靈。其於時間之觀念。不甚明確。然圓顱方趾之倫。羣有不甘泯滅之公性。故人類共有之最大希望亦在此時間之繼續。而人類之通病。怠惰無恆。不能持久。又爲不能繼續使用此時間之弱點之表現。世有所謂名士者。玩世嘲俗。以惰爲元素。則以時間爲一種玩具。凡耗時卽爲失德之一條件。怠惰之腦筋。魔鬼之工場也。人之善惡。於其時間之觀念可以判焉。

矣

時間與我

有我之時間。而後有我。有我昨日之時間。乃有昨日之我。有我今日之時間。乃有今日之我。有我百年之時間。乃有百年之我。有我一息之時間。乃有一息之我。我之時間。有限者也。雖然。時間者。其屬我有之全部。我有完全處理之權者也。西醫某氏言。婦人女子常弱於支配時間之能力。熱帶居民亦不善支配時間。我必爲善於支配時間之人。得支配時間之道者。必不恨時間進行之速。我必奔軼絕塵。